

ՎԵՆԱՐԱՆՈՒՄ



«Ս. ՆԵՐՍԵՍ ԾՆՈՐՀԱԼԻ» ԾՔԱՆԾԱՆԻ ՏՎԶՈՒԹՅԱՆ ՀԱՆԴԻՍՈՒԹՅՈՒՆ ՄԱՅՐ ԱԹՈՌՈՒՄ

Սույն թվականի մարտի 7-ին, չորեքշաբթի օրը, ժամը 14-ին, Վեհաբանում Հայոց Հայրապետը բարեհաճեց «Ս. Ներսես Ծնորհալի» շքանշան հանձնել Երևանի սուրբ Հովհաննես եկեղեցու եկեղեցական խորհրդի նախագահ Գևորգ Համայնյանին՝ ի գնահատություն նրա երկար տարիների եկեղեցական վեր աշխատանքի:

Հանդիսությանը ներկա էին Գերագույն հոգևոր խորհրդի ատենապետ տ. Սիոն արքեպ. Մանուկյանը, Արարատյան թեմի առաջնորդական փոխանորդ և Գերագույն հոգևոր խորհրդի անդամ տ. Կոմիտաս արքեպ. Տեր-Ստեփանյանը, այդ օրերին ուխտավորաբար Մայր Աթոռում գտնվող ԱՄՆ-ի հայոց արևելյան թեմի առաջնորդ տ. Թորգոմ արքեպ. Մանուկյանը, ինչպես նաև Արարատյան թեմի թեմական և եկեղեցական խորհուրդների անդամներ, քահանա հայրեր և այլ հրավիրյալներ:

Տ. Կոմիտաս արքեպ. Հայոց Հայրապետին ներկայացրեց պատվարժան հյուրերին և նշեց օրվա հանդիսության նպատակը:

Այնուհետև խոսք առավ Նորին Սուրբ Օծությունը, ողջունեց բոլոր ներկաներին և հայրապետական Իր բարձր գնահատությանն ու օրհնությանը արժանացրեց ս. Հովհաննես եկեղեցու եկեղեցական խորհրդի նախագահ Գևորգ Համայնյանի բազմամյա եկեղեցական և անձնվեր ծառայությունները և, բոլոր ներկաների ծափող-

ջույնների ներքո, նրա կուրծքը զարդարեց «Ս. Ներսես Ծնորհալի» շքանշանով:

Ապա Վեհափառ Հայրապետին ուղղյալ որդիական երախտագիտության և շնորհակալության ջերմ խոսքով հանդես եկավ Գևորգ Համայնյանը:

Սույն հանդիսության ժամանակ, հանուն Երևանի ս. Հովհաննես եկեղեցու եկեղեցական խորհրդի, հետևյալ արտառույ ուղերձն ընթերցեց նույն խորհրդի անդամ Էդվարդ Ցիցիկյանը.

«Ձերդ Սրբություն,

Այս բարեպատեհ առիթից օգտվելով՝ կփութամ նախ մեր սիրո և շնորհակալության խոսքն ուղղել Ձերդ Սրբությանը, որ մեզ արժանացրեց Ձեր կողմից բարձր գնահատված այս հանդիպման բացառիկ պատվին:

Այնուհետև թող մեզ թույլ տրվի մեր երախտագիտական խոր զգացմունքը արտահայտել Ձերդ Սրբությանը, որ բարեհաճել էիք Ձեր սրբատառ կոնդակով ավագության կոչում շնորհել ս. Հովհաննես եկեղեցու հոգևոր հովիվ արժանապատիվ տ. Նշան քահանա Հանգեյանին՝ միջնորդությամբ Արարատյան հայրապետական թեմի առաջնորդական փոխանորդ տ. Կոմիտաս արքեպիսկոպոս Տեր-Ստեփանյանի:

Նույնպես Խորհուրդիս մեծ գոհունակություն պատճառեց մեր մեծահարգ նախագահ պարոն Գևորգ Համայնյանին «Սուրբ Ներսես Ծնորհալի» շքանշանով պարգե-

վատրելը Ձերդ Սրբության մաղթանքներով և հայրական օրհնություններով շարադրված կոնրակով:

Ձերդ Սրբություն, համոզված եղեք, որ առաքինազարդ Հայրապետի Ձեր կերպարը հանդիսանում է մեր բոլորիս սրտերի բաբախման կարգավորիչը, քանի որ մեծ է Ձեր հմայքը ոչ միայն հայ ժողովրդի գավակների վրա, այլ նաև համայն աշխարհի քրիստոնյա եկեղեցիների հոգևոր պետերի և պետությունների քաղաքական ղեկավարների վրա:

Ուրախալի է արձանագրել, որ դարերի ընթացքում տրորված Հայաստանյայց եկեղեցին, պատռելով իրեն շրջապատող երբեմնի խավարի քողը, Ձերդ Սրբության օրով ապրում է իր լուսավոր վերածնունդը՝ եղբայրական սիրո ամուր կապերով գողված Ռուս պրավոսլավ եկեղեցու հետ, Քրիստոսի սիրո մեջ, և այդ փաստը գալիս է մի անգամ ևս հաստատելու այն ճշմարտությունը, որ Հայաստանյայց եկեղեցին եղել է և լինելու է ոչ միայն մեր ժողովրդի հավատքի և հույսի չցամաքող ակունքը, այլ նաև մեր ազգային ինքնության անսաս-

ուն պատվանդանը, իր եռամեծ սուրբ Հայրապետների ազգանվեր շինարար գործերով, որոնց արժանավոր հաջորդներից մեկն է նաև Ձերդ Սուրբ Օծությունը՝ խաղաղության և ազգերի եղբայրության անվեհեր մարտիկը:

Թույլ տվեք ինձ, Ձերդ Սրբություն, մաղթել Ձեզ քաջատոկություն և անսպառ եռանդ, որպեսզի տակավին երկա՞ր ու երկա՞ր տարիներ կարողանաք հաջողությամբ կյանքի կոչել Ձեր եկեղեցաշեն բոլոր ծրագրերը:

Ձերդ Սրբության գավազանը, իբրև Մովսեսի հրաշագործ գավազան, թող առաջնորդի ու պահի հայ ժողովրդին, իսկ Քրիստոսի վերջին շնչով օծված և Աստվածամոր արտասուքներով ողողված սուրբ խաչը, որ պատկերված է Ձերդ Սրբության վեղարի վրա, թող դառնա աշխարհի բոլոր ժողովուրդների միջև հույսի, սիրո և խաղաղության վսեմ խորհրդանշան:

«Ս. Ներսես Ծնորհալի» շքանշանի հանձնման հանդիսությունն ավարտվեց Հայոց Հայրապետի «Պահպանիչ»-ով և օրհնությամբ:

